

Mohau le Toka Ho Lipesaleme le Liprovebia



Sabatha Mantsiboea

Bakeng sa Thuto ea Beke ena Bala:

Ps. 9:7–9, 13–20; Ps. 82; Ps. 101; Ps. 146; Liprov. 10:4; Liprov. 13:23, 25; 30:7–9.

Temana ea Khopolo:

“Ahlolelang ba banyenyane le likhutsana; le lokisetse mohlomohi ea lesitsi; lokollang ba malimabe le bahloki; le ba utle matsohong a ba bolotsana” (*Ps. 82:3, 4*).

Lipesaleme le Liprovebia li bontša maiphihlelo a ho phela le Molimo linthong tse tloaelehileng tsa bophelo, e seng fela linakong tsa khumamelo kapa linthong tse ling tsa bolumeli. Leha buka ea Liprovebia e fana ka bohlahe bo akaretsang—ho tsoa likamanong le malapeng ho ea khoebong le pusong—Lipesaleme ke pokello ea lipina tse akaretsang maikutlo a mangata le maiphihlelo a semoea ho tloha lillong ho ea phahamisong ea lithoriso le tse ling tse ngata lipakeng. Ho bobebe ho bona hore tumelo ea rōna e ka etsa phapang likarolong tsohle le maiphihlelong a maphelo a rōna, hobane Molimo oa tsotella ka likarolo tsohle tsa maphelo a rōna.

Ka nako eo, karolo efe kapa efe ea bophelo lefatšeng lena le oeleng e ka se tlolese mahlo boemo ba tlhokahalo ea toka molokong oa batho. Ha e le hantle, ho hloka toka ho hlalositsoe hangata e le ntho e 'ngoe eo Morena oa rōna a e tsotellang leho labalabela ho e lokisa. Ke eena eo e leng tšepo ea ba hloakang tšepo. Leha fela re ama seo libuka tsena li se bolelang ka sehlooho sena, mohlomong thuto ena e ka u susumetsa ho ba le mafolofolo a ho sebeletsa lithoko tsa bafumanehi, ba hateletsoeng, le ba lebetsoeng ba teng ka hohle bao re tlamelang ho ba thusa.

**Ihute thuto ea beke ena ho lokisetsa Sabatha sa la, Phupu 27.*

Lipesalame: Lipina tsa ba Hateletsoeng

Joalo ka ha re se re boletse, Molimo o utloa batho ba mahlomoleng le mathateng. Hangata Lipesalemeng re utloa lillo tsa batho tšepang Molimo empa ba sa bone toka e phethoa. Tiisetso ea Molimo ea molemo, ea nang le toka le matla e ka bonahala e koaheloa ke ho hloka toka le khatello eo mantsoe lipineng tsena e ka utluoang kapa ea bonoa. Empa, tsena ke lipina tsa bantseng ba bina. Bao bophelo le tumelo ea bona li so kang li kholisoa. Ho sana le tšepo; 'me taba e kapele ke hore Molimo a nke khato pele e ba khale, pele bobo bo hlola, pele bahataletsoeng ba ka imeloa ke boima ba bokhopo bo belesitsoeng holima bona. Ka tsela ena, lingoli tsa Lipesaleme li leka ho koala sekheo se lipakeng tsa lipolelo tsa tumelo ea bona le liteko le matšoenyeho a bophelo.

Bala Ps. 9:7–9, 13–20. Na u ka nahana maemo ao Davida—sengoli sa Pesaleme— a neng a le ho oona? Na u ka utloa boima bo lipakeng tsa tumelo ea hae le molemo oa Molimo le maiphihlelo a hae a nako eo? Ke joang u sebetsaneng le qholotso ea tumelo ho Molimo le hara linako tsa meleko e thata?

Hohle Lipesalemeng, karabo e phetiloeng boimeng bona ke tšepo le pallo tsa molemo oa Molimo le kahlolo ea hae e lokileng. Bokhopo le ho hloka toka li ka bonahala li hlola ha joale, empa Molimo o tla ahlola ba etsang bobo le ba khopo. Ba tla otloa ha bao ba neng ba ba utloisa bohloko le ho ba hatella ba tla tsosoa le ho nchafatsoa. Ho nahaneng ka Pesaleme, C. S. Lewis o hlalosa ho makala ha hae ha sethathong ka nyakallo le taba-tabelo ea kahlolo ea Molimo joalo ka ha e bontšitsoe hangata ho Lipesaleme. Ho bona hore babali ba bangata ba Bible kajeno ba nka kahlolo e le ntho e lokelang ho tšajoa, o sheba pono ea Bajude ba pele-pele le lingoli, “likete tsa batho ba amohiloeng tsohle tseo ba nang le tsona 'me ba na le tokelo ka hohle qetellong lillo tsa bona li tla utlua. E, ha ba ea tšoha kahlolo. Ba tseba hore nyeoe ea bona ha ka ke ea arajoa ha fela e so ka emameloa. Ha Molimo a tla ho tla ahlola, qetellong e tla mameloa.”—C. S. Lewis, *Reflections on the Ps.s* (New York: Harcourt, Brace and Company, 1958), p. 11. Lipesalemeng, re tšepo bakeng sa ba tujoang, le joale, le hara maemo a matšoenyeho le ho phoqeha.

Ke mabaka afe ao re nang le oona ho ka sheba taba ee ea kahlolo ka leihlo le letle, e seng ntho ea ho tšajoa?

“Etsa letho, Molimo!”

Bala Ps. 82. Molaetsa ke ofe moo bakeng sa rōna?

Ntle le tlhophiseho le melaoana ea tsamaiso ea sechaba eo Molimo a ba foleng eona, linakong tse itseng nalaneng ea bona, sechaba sa Iseraele ba ile ba hloloa ho phela ka moralo ona. Ha bobebe fela ba ba joalo ka lichaba tse ba potileng, ka ho phela ka mokhoa oa ho hloka toka le khatello. Baetapele le baahloli ba icheba bo bona, 'me ba haptjoa ke tjojo. Ntle le makhotla ho ba sireletsa, batho fela, le bafumanehi haholo, ba ne ba ka jeoa ha bonolo fela. Pesaleme ea 82 ke karabo ea boemo bo joalo. E hlalosa tšebetso ea Molimo e le moahloli e moholo, 'me e bontša pono eo a ahlang baetapele le bona baahloli ba sechaba. Pesaleme e tiisa hore ba etsang tšebetso e joalo sechabeng “ba khethiloeng ho sebetsa e le baahloli tlasa Hae.”—Ellen G. White, *Prophets and Kings*, p. 198. Ba lutse maemong le ho etsa mosebetsi oa bona e le baemeli ba Molimo. Ka pono ea mopesaleme, toka ea Molimo ke mohlala oa ka moo toka ea lefatše e lokelang ho ba kateng, 'me hape e fana ka mekhoha eo ka eona toka eo kapa hloka toka ho—le ba li abang—ba tla ahloloa.

Pesaleme e qetella ka memo e khethehileng ho Molimo ho nka khato (Ps. 82:8), ho kena lipakeng le ho emisa ho hloka ho atileng sechabeng. Joalo ka Lipesaleme tse ngata, ena ke lentsoe la ba se nang lentsoe le ba hateletsoeng, bao mantsoe a bona a khutsisitsoeng ke mokhoa o hlokang toka oo ba phelang le ho sebetsa ho oona.

Pesaleme ea 82 e etsa boipiletso ho Molimo boemong ba hae e le moahloli e moholo le 'musi e moholo oa leholimo le oa lichaba tsohle. Ha hona lekhota le leng le ka holimo kapa matla ao boipiletso bo kang boo ka tsoang. Tiisetso ea tla ha makhotla a lefatše a sa utloe kapa ho mamela lillo tsa bafumanehi le ba hateletsoeng, e leng taba e joalo ha ngata, ho ntse ho na le monyetla o teng ho hooa bakeng sa thuso.

Linakong tse fapaneng maphelong a rōna re ka iphumana re le mahlatsipa a ho hlokeloa toka, empa ka linako tse ling e kaba rōna ba etsang kapa ba unang molemo oa tlhokahalo ea toka. Liratsoaneng tse kang sena sa Pesaleme ea 82, re ka fumana leseli le bohlae, e ka ba re ba hateletsoeng kapa re bahatelli. Molimo o khathatsehile ka baahloli ba sa lokang hape, ka ho ba hlalosa e le bana ba hae le ho batla ba khethe ho phela betere (sheba Ps. 82:6). Ka hona, ho na le tšepo le ho bao ba ka lehlakoreng le lebe la khatello, ha ba ka itumella hore ba fetohe.

Pallo tsa Morena

Bala Ps. 101. Leha e ngoletse baetapele, ke keletso efe ea bohlokoa eo re ka e fumanang ho eona bakeng sa rōna, ho sa natsoe maemo a rōna bophelong?

Pesaleme 101 ke temana ea baetapele. Ho hopoloa hore litemana tsena li ile tsa qaptjoa ke Davida matsatsing a bocha ba puso ea hae e le morena oa Iseraele. Mohlomong li nkiloe hape likanong tsa hae tseo a li entseng nakong ea h'a behoa borena. Maiphihlelong a hae a le mohlabani bakeng sa Saule e le ha e le mophaphathehi ho baleha eena, e ile ea e ba paki ea hore na morena ea lahleheloang ke tsela ea hae a ka senyang sechaba kateng le lelapa la hae. Davida a itjoetsa hore e tlo ba moetapele ea fapaneng oa morena.

Ba fokolang ba rōna e ka 'na ea ba baetapele ba sechaba kapa ba lipolotiki, empa bohle re na le tšebetso bophelong eo re nang le monyetla oa ho susumetsa le ho khotlaetsa ba bang. E ka ba bophelong ba rōna ba tšebetso, ho nka karolo sechabeng, lelapeng, kapa kerekeng. Joalo ka ha Ellen G. White a bolela boemong ba boetapele, “likano tsa Davida, tse tlalehiloeng Pesalemeng ea 101, e lokela e be likano tsa bohle bao ho bona ho lutseng boikarabelo ba ho lebela tšusumetso tsa lelapa.”—*Counsels to Parents, Teachers, and Students*, p. 119. Joalo kaha re na le monyetla, re lokela hoba malala-a-laotsoe ho hlahisa le ho tiisa methoe ea bao ba khetheloang boemo ba boetapele holima rōna. 'Me le rōna bohle, boetapeleng ba rōna le libakeng tsa tšusumetso, re na le monyetla oa ho kenya tšebetsong mekhoea ea Davida ea boetapele e le ho re thusa ho ba tlhohanolofatso ho ba bang.

Taba ea mantlha ho Davida ke ho tlotla Molimo ka mohau le toka ea hae (Ps. 101:1), eo e bileng motheo oa tsohle tseo Davida a neng a lakatsa ho li etsa e ka boetapele ba hae. O ne a labalabela ho ithuta le ho etsa limelo tsena tse tšoanang bophelong ba hae le mosebetsing. Ho etsa sena, o ne a lokela a hanele teko ea ho etsa bobo, bobolu, le ho hloka botšepahi, tsohle tseo e leng maana a ba leng matleng le boetapeleng. Ka ho tseba hore na baeletsi ba molemo ba bohlokoa ha kae ho mo thusa ho etsa hantle, Davida o itlama ho batla baeletsi ba tšepahalang le ho khetha bahlanka ba nang le botšepahi. Toka le mohau li ne li lokela ho tšoaea boetapele ba hae, le hara bao ba mo sebeletsang kapa hona ho sebetsa le eena.

Re ka 'na ra se ke ra ba maemong a ho ba le baeletsi kapa bahlanka, empa ke joang re ka tlatsang maphelo a rōna ka litšusumetso tse re thusang ho phela le ho etella pele (moo re khonang) ka toka le mohau ho ba li hlokanang?

Ho Tsamaea le Morena

Ha re atamela qetello ea buka ea Lipesaleme, mehoo ea thoriso e bonahala e ntse e phahama hanyane ka hanyane. Lipesaleme tse hlano tse qetellang li qala ka taelo e bonolo e tobileng ea “Rorisang Jehova!” Empa ea pele ea tsena—Pesaleme ea 146—e na leho tsepama ho itseng khathatsehong ea Molimo malebana le bafumanehi le ba hateletsoeng e le motheo oa lebaka la thoriso e joalo.

Bala Ps. 146. Molaetsa ke ofe moo bakeng sa rōna? Molimo o reng, haholo ho Ps. 146:5–9?

Joalo ka ha ruri Molimo e le ‘mōpi oa lefatše lena (sheba Ps. 146:6), Pesaleme ena e hlalosa mosebetsi oa Molimo o tsoelang pele e le moahloli oa lefatše, ea le hlokometseng, molopolli, mofolisi, mothusi, le mosireletsi—tsohle tsena li tobane le batho ba bahloki bo itseng ba batho bana. Ke pono e khothatsang ea seo Molimo a se etsang le ho batla ho etsa mapheelong a rōna, metseng ea rōna le lefatšeng la rōna. Ka linako tse ling re nahana ka ho hlokomela bahloki e le ntho e re tlamang hobane Molimo a cholo joalo. Empa Pesaleme ea 146 e re sena ke se seng seo Molimo a seng a ntse a se etsa—’me re memeloa ho ikopanya le eena. Ha re sebetsa khahlanong le bofuma, khatello, le mafu, ruri re sebetsa le Molimo le sepheo sa hae. Ke molemo ofe o moholo o ka bang teng ho feta ho sebetsa ’moho le Molimo ho phethahatseng se seng se khothatsang joalo ka se ho Pesaleme ea 146?

Empa hape ho na le melemo bakeng sa rōna. Bakreste hangata ba bua ka ho batla Molimo ha bona le ho ba le takatso ea ho ba le likamano tse haufi le eena. Empa, litemana tse kang Ps. 146:7–9, le tse ling tse ngata ka hare ho Bibehe, li re bontša hore tsela e ’ngoe ea ho fumana Molimo ke ho ikopanya le seo a se etsang. Ka hona, haeba u sebetsana le ho phahamisa ba fumanehileng, ba kulang, le ba hateletsoeng, joalo ka ha Ps. 146 e re o joalo, re lokela e be re sebetsa le eena. “Kreste o tlile lefatšeng lena ho tsamaea le ho sebetsa hara bafumanehi le mahlomoleng. Ba ile ba amohela karolo e kholo ka ho fetisisa ea tsotello ea hae. ’Me kajeno, ka botho ba bana ba hae, o etela bafumanehi le bahloki, ho bebofatsa tlokotsi le ho felisa matsoenyeho. “Tlosa mahlomola le bohloki, ’me o tlo bone re ke ke ra ba le tsela ea ho utloisisa mohau le lerato la Molimo, ha re ka ke ra tseba kutloelo-bohloko, le Ntate ea mosa. Ha ho mohla evengeli e tlisang boholo ba lerato ho feta ha e tloisoa ho ba hlokanang le libakeng tse hlopheliheng.”—Ellen White, *Testimonies for the Church*, vol. 7, p. 226.

Maiphihlelo a hao e bile afe ka moo re tlang haufi le Molimo ha re sebeletsa ba bang?

Liprovebia: Mohau ho ba hlokang

Joalo ka ha e le pokello ea lipolelo tsa bohlae, buka ea Liprovebia e ama karolo e pharaletseng ea lihlooho le maiphihlelo a bophelo. Hara tsona ke pono ea tsa bofuma, borui, khotosfalo, toka, le ho hloka toka—'me ka linako tse ling ka mahlakore a sa tšoaeng. Bophelo kamehla ha bo bonolo le ho otloloha fela, 'me Liprovebia li re hlokomelisa ka maemo a fapaneng le liqeto tse susumetsang hore bophelo bo pheloa joang, le hara ba tšepahalang ho Molimo.

Bala le ho bapisa Liprovebia 10:4; 13:23, 25; 14:31; 15:15, 16; 19:15, 17; le 30:7–9. Litimana li reng malebana le leruo, bofuma, le ho thusa ba hlokang?

Liprovebia e tiisa khathatseho le tsotello ea Molimo bakeng sa bafumanehi le tlokotsing. Ka linako tse ling batho ba futsaneha ka lebaka la maemo, liqeto tse mpe, kapa tlatlapo, empa lisosa tsa boemo, Morena o ntse a li hlalositse e le 'mōpi oa bona (sheba Liprov. 22:2) le Moloaneli (sheba Liprov. 22:22, 23). Batho bana ha ba lokela ho hatelloa kapa ho nka monyetla ka bona, ho sa natsoe liphoso tsa bona. Leha Liprovebia li fana ka bophelo bo betere ka ho etsa liqeto tse bohlae le ho utloa Molimo, maruo ha se kamehla e leng ka baka la tlhohonolofatso ea Molimo. Botšepahi ho Molimo kamehla bo bonoa bo le bohlokoa le ho putsa ho feta lintho tse tšoarehang: “Leruo le lenyenyane le nang le ho loka, le molemo ho feta menono e mengata e nang le bokhopo” (Liprov. 16:8).

Khathatseho e 'ngoe ho Liprovebia ke botšepahi le tšebetso e se nang leeme ea khoebo, puso, le ho ajoa ha toka (sheba Liprov. 14:5, 25; 16:11–13; 17:15; 20:23; 21:28; 28:14–16). Liprovebia ha e ea khathatseha fela ka maphelo a batho la mong empa hape e fana ka leseli ho sechaba ka kakaretso hore na ke tšebetso e joang e molemo bakeng sa bohle, haholo ho ba hlokang tšireletso. Re ea hopotsoa hape hore bokhoning ba bona, ba busang le ho etella pele ba etse joalo ka thuso ea Molimo (sheba Liprov. 8:15, 16), 'me ba lokela ba sebetse e le baemeli ba mohau oa hae le kutloelo bohloko malebana le bahloki.

Ho bonolo ho mang kapa mang ho utloa a itšoabela ka bao ba maemong a mabe. Ke joang leha ho le joalo, re ka nkang boikutlo boo ra bo fetola ketso?

Ho Ithuta Haholoanyane:

Read Ellen G. White, “The Last Years of David,” pp. 746–755, in *Patriarchs and Prophets*; C. S. Lewis, “‘Judgment’ in the Ps.s.,” pp. 15–22, in *Reflections on the Ps.s.* “Lipesaleme tsa Davida li feta hole karolo ea maiphihlelo, ho tsoa tlase botebong ba maikutlo le ho itšola le ho isa ho phahameng ha tumelo le puiso e phahamileng le Molimo. Tlaleho ea bophelo ba hae e phatlalatsa hore sebe se ka o tlisetša fela masoabi le tlakotsi, empa lerato la Molimo le mohau li ka fihlela botebo bo tlase-tlase, le ho re tumelo e phahama moea o bakang ho nka karolo ho beoeng bara ba Molimo. Hara litiisetso tshole tseo lentsoe la hae li le fupereng, ke bo bong ba bopaki bo matla ho ba tšepahalang, ba nang le toka, le selekane sa mohau oa Molimo.”—Ellen G. White, *Patriarchs and Prophets*, p. 754.

Mašabi le bohlae ba buka ea Liprovia: “Ena ke metheo eo ka eona ho lutseng katleho ea sechaba, se bofatše le sa bolumeli. Ke metheo ena e fanang ka tšireletso ho thepa le bophelo. Ho bohle ba etsang hore boitšepo le tšebeliso li khonehe, lefatše le kolota molao oa Molimo, joalo kaha o fanoe lentsoeng la hae, joalo ka ha ho lateloa, meleng eo hangata e siretseng le o patehileng, lipelong tsa batho.”—Ellen G. White, *Education*, p. 137.

Lipotso tsa Puisano:

1. Ke ka litsela li feng u inkang u le moetapele kapa boemong ba tšusumetso? Ke joang u ka bang moemeli oa toka karolong ea bophelo ba hao?
2. Nahana ka moetlo le tlhopho ea sechaba seo u phelang ho sona. Ke ka tsela efe u ka sebetsang ka hara mokhoa o teng ha joale ntlafatsong ea lithoko tsa ba hlohang?
3. Hobaneng metheo ea toka le ho se ka tšobotsi e leng bohlokoa ho haheng sechaba se matla?
4. Leha buka ea Liprovia e shebane le bohlae ba ho phela bophelo hantle, e re bolella eng ka moo Molimo a leng kateng?

Kakaretso:

Lipesaleme le Liprovia ke libuka tse peli tse shebaneng le liqholotso tsa ho phela ka botšepeli le hara maphihlelo a bophelo le litoko. Bobeli li fana ka leseli ponong ea Molimo ea sechaba le khathatšo bakeng sa bafumanehi le ba hatelloang. Sello sa Lipesaleme le bohlae ba Liprovia ke hore Molimo o fela a hlokomela le ho kena lipakeng ho sireletsa bao hangata ba natsuoeng le ho hanyapetsoa. 'Me haeba ke seo Molimo a leng sona, ke seo re lokelang ho ba sona le rōna.